

KOMMUNIKAMMA 15 MAART 2026



Ons besoek op versoek. Kontak asb. met groot vrymoedigheid met ons indien jy enige versoeke of vrae het.

Niekie Oosthuizen in die kerkkantoor: 082 561 8747; 041 360 1484; kerkkantoor@ngkraggakamma.co.za
Neem asb. kennis dat die kerkkantoor tye van Maandag tot Vrydag vanaf 08:00 tot 12:00 is.

Ds. MG van Rooyen: 083 413 7100; mg@ngkraggakamma.co.za

Ds. Toit Wessels: 084 240 2916; toit@ngkraggakamma.co.za

WHATSAPP GEMEENTE KOMMUNIKASIE

Indien jy die gemeente kommunikasie via Whatsapp wil ontvang moet jy die volgende stappe volg:

Stoor die gemeente selfoon nommer (071 493 5998) as 'n kontak op jou foon.

Stuur 'n Whatsapp boodskap met jou naam en van na hierdie nommer.

Jy word op 'n "Broadcast" lys geplaas en is nie deel van 'n Whatsapp groep, waarop almal kommentaar lewer, nie.

PROGRAM VIR DIE WEEK:

Sondag 15 Maart 2026

Vyfde Lydensweek

08:30 EIETDSE DIENS, POPPEKAS EN KLEUTERKERK

09:30 KATEGES (Neem kennis dat vir hierdie Sondag sal die Graad 1,2,3 kategorie tydens die erediens in die saal plaasvind. Kinders kom woon eers die erediens by.)

10:00 KLASSIEKE DIENS

Tema: Die Paaslam red.

Skriflesing: Eksodus 12:1-28, Joh 1:29 en 1 Kor 5:7.

Ons wens Renier en Lynn Rossouw geluk met die doop van hul baba, Reyneke.

18:00 LEEF@KERK ('n Saamkuier geleentheid vir Hoërskool kinders)

Die bedienings dankoffer in die houtkassies gaan vandag vir die Bybelgenootskap

Maandag 16 Maart

12:45 GEBEDSKILD

Gemeente gebedsgeleentheid in gebedslokaal. Almal is welkom.

PE NOORD EN ALGOA GEMEENSKAPSKERK – VOEDSELHULP-PROJEK

Indien jy wil help, kan skenking op Sondae in die voorportaal en Maandae en Woensdae by die kerkkantoor ingegee word. Finansiële bydraes kan in die gemeente se rekening inbetaal word. Dui asb. aan dat dit vir voedselhulp gaan.

PE Noord soek asb. ook 2L en 5L roomys bakke wat hul gebruik om die sop vir die sopkombuis te vries. Enige hulp sal waardeer word.

Vrydag 20 Maart

05:00 MANNEGROEP

Indien jy wil deel word van die groep, kontak Frans Stapelberg (082 773 6205) vir meer besonderhede.

Sondag 22 MAART

Sesde Lydensweek

08:30 EIETDSE DIENS EN KLEUTERKERK

09:30 KATEGES

10:00 KLASSIEKE DIENS

18:30 KRUISSANGDIENS

GEBEDSAKE:

- Geestelike groei en toewyding oor lydenstyd.
- Almal wat toetse en eksamens skryf.
- Laura Krause en Niekie Oosthuizen se gesond word na operasies.
- Norah Heunis is oorlede. Bid vir die familie.
- Vir die Here se hulp en leiding in mense en gesinne se lewens wat groot uitdagings ervaar. Dat Hy ons sal gebruik waar nodig en toerus met wysheid om die regte hulp te verleen en/of raad te gee.
- Die stryd teen bek-en-klouseer in ons land.
- 'n Einde aan die oorloë in Oekraïne, Afrika en ander plekke, asook vir die gelowige broers en susters in daardie lande.
- Die konflik wat oor die Midde-Ooste uitbreek het na die VSA en Israel se aanval op Iran. 'n Oplossing vir die chaos, spanning en lewensverlies.

THERE4 BEDIENINGE GEBEDSVERSOEK

Liewe Gebedsvriende,

Ons harte is swaar terwyl ons die situasie in baie dele van die wêreld wat deur konflik geraak word, insluitend die Midde-Ooste en Oekraïne, monitor. As 'n bediening wat in hierdie streke dien, sien ons die direkte impak van oorlog op gesinne en kinders. Bid saam met ons vir troos vir diegene wat geliefdes verloor het, wysheid vir wêreldleiers, krag en beskerming vir ons vennote en vriende op die voorgrond terwyl hulle lig en vertroosting bring aan diegene rondom hulle.

Onthou ook om ons Facebook blad <https://www.facebook.com/There4Ministries> te besoek ... daar is nou 'n skakel na 'n weeklikse Bybelstudie asook 'n pot-sending wat die radiogesprek opsom indien jy nie kon inskakel nie.

Liefde
Die There4 Span

FEBA RADIO GEBEDSVERSOEK

In Januarie is jongmense in Aceh, Indonesië, genadeloos gestraf omdat hulle die sharia-wet oortree het. FEBA Indonesië saai 'n program uit oor Christen-wees in plekke waar sharia-wet afgedwing word. Die program beoog om gelowiges te bemoedig en om nie-gelowiges in te lig oor die Christelike geloof. Die program word tot dusver goed ontvang, maar omsigtigheid bly noodsaaklik. Bid vir die Christene wat in dele van Indonesië woon waar sharia-wet geld. Vra vir God se beskerming en wysheid soos wat FEBA Indonesië daar onder luisteraars bedien.

KAMMAKLETS 2026

Het jy dit geniet om een van die vier kamma klets uitgawes in 2025 te lees? Sou jy dalk wou deelneem om 2026 se uitgawes nog beter te maak? Ons benodig skrywers. Kontak gerus Ds. Toit indien jy aan hierdie opwindende projek wil deelneem. Deur die vertel van stories versprei ons hoop en stuur ons God se getuigenis die wêreld in.

MTR SMIT KINDERHUIS

Indien jy die vreugde van die verjaarsdagvieringe van MTR Smit Kinderhuis wil ervaar, kan jy gerus vir Debah van Eeden (082 933 2443) kontak. Ons huis is die tuiste van 11 pragtige dogters, en ons probeer elke verjaardag spesiaal maak deur cupcakes, eetgoed en koeldrank te voorsien. Jou betrokkenheid kan 'n groot verskil maak in die lewens van hierdie dogters. Of jy nou as 'n selgroep, vriendegroep, of individu deelneem, jou bydrae sal 'n impak hê en 'n glimlag op die gesigte van hierdie dogters bring.

WIT OLIFANTE

Indien daar enige bruikbare wit-olifante in jou huis skuil, kan jy hulle begin afstof en aandra na die kerkkantoor. Dit is vir ons kermis van 20 Junie. Indien jy hulp nodig het met vervoer, kontak vir Zalita le Roux (082 878 8720)

STELLA LONDT AFTREE OORD KOS VERKOPE

Stella Londt Aftree Oord hou op Vrydag 20 Maart vanaf 16:00 tot 18:00 kos verkope by Kraggakamma Gemeente se parkeerarea. Die fondse sal aangewend word vir die aankoop van 'n klein bussie vir die aftree oord om die inwoners op uitstappies en ook na die winkelsentrum te vervoer.

Die volgende etes sal te koop wees:

- Boereworsrolle met tamatiesmoor @ R 30 elk
- Jaffels en Kerriemaalvleis @ R25 elk
- Pannekoek met kaneelsuiker @ R7 elk
- Gevulde pannekoeke met hoender mayo @ R15 elk
- Ham en kaas souttert (groot muffin grootte) @ R20 elk
- Malva poeding (klein bakkies) @ R30 elk

BYBELGENOOTSKAP VRUGTEMARK (26 – 28 MAART 2026)

Die jaarlikse vrugtemark ten bate van die Bybelgenootskap begin op Donderdag 26 Maart by die Bybelhuis, Cotswoldlaan 31, Cotswold. Vrugte sal Donderdag en Vrydag om 08:00 – 16:00 verkoop word en op Saterdag om 08:00 – 14:00.

Kontak die Bybelgenootskap of die kerkkantoor vir meer inligting.

NUWE LIDMATE

Ons wil graag ons nuwe lidmate ontmoet. Daar is in die voorportaal 'n groen kontakkaart wat julle kan voltooi, waarna ons met julle in verbinding sal tree. Jul kan ook na ons webblad, www.ngkraggakamma.co.za gaan. Druk op "Kontak ons" reg onder die gemeente logo. Vul die "Nuwe intrekke" vorm in en e-pos dit na die kerkkantoor.

VERJAARSDAE VIR DIE WEEK

Ons wens die volgende lidmate geluk met hulle verjaarsdae:

15 Maart	Gerty Holtzhausen, Pottie Potgieter, Danielle Smit, Connie van den Berg en Neal van der Walt
16 Maart	Zelda Bakkes, Lienke Peens, Bea-ne Schoeman, Mieke Smit en Jaun-Pierre van Zyl
17 Maart	Ria Lombard, Marish Muller, Vicky Rossouw, Ansie Vorster, Josua Wessels en Dalene Wilson
18 Maart	SJ de Beer, Ricardo Nel en Sune van Heerden
19 Maart	Lizelle Niit
20 Maart	James Banfield, Louis le Grange, Danie Mare en Anje Swiegelaar
21 Maart	Pieter Greyling en Twane van der Merwe

DANKOFFER

Baie dankie vir elkeen se dankbaarheidsbydrae wat ons maandeliks ontvang. Dankoffers kan direk in die kerk se bankrekening of deur middel van Snapscan betaal word.

Die kerk se bankbesonderhede is:

NG Kraggakamma

Absa Tjekrek 1400590091,

Takkode 632005

